

Script of Evening Gojri News Bulletin 05 November 2024 at 1700 Hrs

ایوننگ گو جری نیوز بلیٹن مو رخہ 05 نومبر 2024

یوہ آکا شوانی جموں بے نصرت چودھری تے محبوب سلطانی تیں خبر سنو۔ پہلاں خاص خاص خبر۔

*1. خارجہ امور با رے وزیر ڈاکٹر ایس جے شنکر نے کہیو بے جے کنیڈا نانہ بغیر ثبوت غے الزام لان غی عادت ہے۔ انہاں نے اُت بندو مندران مانہ حملہ ور تشویش غو اظہار کیو۔

*2. سائنس تے ٹیکنالوجی با رے وزیر ڈاکٹر جتندر سنگھ نے کہیو بے جے بھارت اس سال شری بری کوٹہ خلائی سٹیشن توں یو رپی خلائی ایجنسی مشن غی پروبا 3 نانہ شروع کرے گو۔

*3. وزیر اعلیٰ عمر عبداللہ نے جموں کشمیر مانہ سابق رہنما، سابق قانون ساز ان نانہ خراج عقیدت پیش کیو ہے۔

*4. تے سپیکر قانون ساز اسمبلی عبدالرحیم راتھر نے 3 ممبران قانون اسمبلی اسمبلی غا ممبران نانہ پینل چیرمین غے طور ور نامزد کیو ہے۔

خبراں غی تفصیل نال پہلاں نصرت چودھری ۔

Jaishanker Canada

وزیر خارجہ ڈاکٹر ایس جے شنکر نے کنیڈا مانہ بندو مندر ور حملہ نانہ انتہائی تشویشناک قرار دتو ہے۔ اج سویرے کینیڈا مانہ اپنا اسٹریلیائی ہم منصب پینی وونگ غے نال مشترکہ پریس کانفرنس مانہ ڈاکٹر جے شنکر نے اس گل ور تشویش غو اظہار کیو کہ کنیڈا مانہ انتہا پسندان نانہ سیا سی جگہ دتی جا رہی ہے۔ انہاں نے کہیو کہ کنیڈا نانہ بغیر ثبوت الزامات لان غی عادت ہے۔ انہاں نے کنیڈا مانہ بھارتی سفارتکاران نانہ نگرانی مانہ رکھن نانہ ناقابل قبول قرار دتو۔ کنیڈا مانہ بندو مندران مانہ حملان غا بارا مانہ پو چھیا جان ور اسٹریلیائی وزیر خارجہ نے ان حملان نانہ بھارتی برادری واسطے پریشان کن قرار دتو ہے۔ یاہ پریس کانفرنس اج کینیڈا مانہ 15 ویں بھارت تے اسٹریلیائی فریم ورک مذاکرات مانہ ڈاکٹر ایس جے شنکر تے محترمہ وونگ غی شرکت تیں بعد منعقد کی گئی تھی۔ دواں وزیران نے بھارت تے اسٹریلیا غا پڑوسی بھارت بحر الکاہل، مغربی ایشیاء، یوکرین تے عالمی سٹریٹجک منظر نامہ تے حالات غا بارا مانہ تبادلہ خیال کیو۔

Jitendra Singh

سائنس تے ٹیکنالوجی با رے وزیر ڈاکٹر جتندر سنگھ نے کہیو بے جے بھارت شری بری کوٹہ خلائی سٹیشن توں اگلے مہینہ پروبا ترا نامی یو رپی خلائی ایجنسی مشن نانہ شروع کرے گو۔ اج نوی دہلی مانہ بھارتی خلائی کنکلیو 3.0 سنگ خطاب غے دوران وزیر موصوف نے اس گل نانہ اجاگر کیو جے ملک تقریباً ہر شعبہ مانہ خلائی ٹیکنالوجی غو استعمال کر رہیو ہے۔ انہاں نے مزید کہیو جے خلائی ٹیکنالوجی نیوی گیشن نقشہ تے دیگر غے ذریعے سمارٹ شہراں نانہ وی فروغ دے رہی ہے۔ جناب سنگھ نے عالمی خلائی

معیشت مانہ بہارت غی شراکت نانہ 2 فیصد توں بدھا غے 10 فیصد کرن بارے ہدف نانہ پورو کرن بارے وی زور پایو۔ اس تیں علا وہ وزیر موصوف نے بہارت خلائی تحقیقی تنظیم غا آن آلا مشن جس راہ گگن یان تے 2035 تک بہارت خلائی سٹیشن غی بہارت انٹرکش سٹیشن غا ناں توں شروعات تے 2040 تک چن ور بہارتی خلا ء باز نانہ پجان بارے مشن نانہ وی اُجاگر کیو۔

Bharat Atta Rice

حکومت نے ضروری اشیاء غی قیمتاں نانہ مستحکم کرن غے نال نال کساناں واسطے مناسب قیمتاں نانہ یقینی بنان واسطے کئی قدم چایا ہیں۔ اس سلسلہ مانہ صارفین امور، خوراک تے عوامی تقسیم کاری بارے وزیر پرلہاد جوشی نے اج نوی دہلی مانہ بہارت برانڈ غا چاول، آٹا غا دوجا مرحلہ غو آغاز کیو۔ بہارت برانڈ غو آٹو 30 روپیہ فی کلو گرام غی قیمت ور دستیاب ہے جد کہ بہارت برانڈ غو چاول 34 روپیہ کلو خرید یو جاسکے۔ اس شروعات توں بعد ذرائع ابلاغ غا نمائنداں سنگ گل کرتاں واں جناب جوشی نے کہیو جے عام صارفین غی فلاح و بہبود واسطے حکومت غی طرفوں چایا گے اقدام غا سلسلہ مانہ یوہ اہم قدم ہے۔ انہاں نے کہیو جے بہارت برانڈ غو آٹو تے چاول غی فروخت سنگ بازار مانہ سستی قیمتاں غی سپلائی بدھے گی۔ بہارت برانڈ غی مصنوعات کیندریہ بھنڈا ر، نفڈ تے این سی سی ایف غا سٹور توں خریدی جا سکیں۔

Prez Buddhist Summit

صدر جمہوریہ دروپدی مُرمو نے اج کہیو ہے کہ بہارت دھامہ غی مبارک سرزمین ہے تے ہر دور مانہ ات عظیم اُستاد تے صوفی ہوا ہیں۔ نوی دہلی مانہ پہلی ایشیائی بُدھ سمٹ غا اجتماع سنگ خطاب کرتاں واں صدر مُرمو نے کہیو کہ بُدھ اُن صوفی سنتاں مانہ اک منفرد مقام رکھے۔ انہاں نے اس گل ور روشنی کھلی کہ بُدھ گوگیا مانہ بودھی درخت غے بُن سیدارتھا گوتم غو روشن ہونو اک ایسو واقعہ ہے جس غی تاریخ مانہ مثال نہیں ملتی۔ صدر نے کہیو کہ بُدھ مت غو مرکزی پیغام امن تے عدم تشدد ور مرکوز ہے تے انہاں نے اس گل ور روشنی کھلی کہ دُنیا نانہ اج ہمدردی غی ضرورت ہے۔ وزارت ثقافت، بین القوامی بدھسٹ کنفڈریشن غا تعاون تیں اس 2 روزہ سمٹ غو اہتمام کر رہی ہے۔ یاہ اک قدیم روایت ہے جہیڑی نہ صرف اپنی سرحداں غے اندر پروان چڑھی بلکہ مختلف مُلکاں تک پھیلی وی ہے۔ سر برابی اجلاس غو موضوع ہے ”ایشیاء نانہ“ مضبوط بنان واسطے بُدھ دھامہ غو کردار

PM Vishwakarma

حکومت نے اعلان کیو ہے کہ پی ایم ویشوو کرما سکیم غا آغاز تیں بعد 2 کروڑ 50 لکھ درخواست موصول ہوئی ہیں۔ جس مانہ 20 لکھ تیں متی درخواست آلاں نے 3 مرحلاں غی تصدیق غا مکمل عمل تیں بعد کامیابی غے نال رجسٹریشن کرائی ہے۔ چھوٹی، بہت چھوٹی تے درمیانہ درمیانہ درجہ غی صنعتی اکائی غے ذریعے پچھلے سال ستمبر مانہ شروع کی گئی اس سکیم غو مقصد پورا بہارت مانہ کاریگراں تے دستکاراں نانہ بااختیار بنانو ہے۔ ہُن توڑی تقریباً 10 لکھ رجسٹرڈ کاریگراں نے وی ووچر غے ذریعے 15 ہزار روپیہ تک غی ٹول کٹ حاصل کی ہیں۔ جس تیں انہاں نانہ اپنی مہارت نانہ بدھان واسطے جدید آلات حاصل کرن مانہ مدد ملے گی۔ یاہ سکیم روایتی دستکاراں نانہ زندہ کرن

تے بھارت غا بھرپور ثقافتی ورثہ غی نمائندگی کرن آلا کاریگراں غی مدد کرن غا حکومت غا عظم غی عکاسی کرے۔

Shah Hindi Smiti

مرکزی داخلہ تے امدادِ باہمی غا وزیر امت شاہ نے نوی دہلی ماتہہ کیندریہ ہندی سمیتی غی 32 واں اجلاس غی صدارت کرتاں واں 11 تسلیم کلاسیکل زبانان غے نال واحد مُلک غا طو ر ور بھارت غی منفرد حثیت ور زور دتو۔ کیندریہ ہندی سمیتی جہیڑی ہندی غی ترقی غی رہنمائی کرن آلی سب تیں بڑی تنظیم ہے۔ زبانان ماتہہ مضبوط بنان واسطے 2 اہم اقدامات ور تبادلہ خیال کیو گیو۔ جناب شاہ نے ہندی ادب تے اس غی گریمہ غی شکلاں ماتہہ بدھان تے محفوظ کرن غے نال نال جدید تعلیمی نصاب غو ہندی تے دیگر بھارتی زبانان ماتہہ ترجمو کرن واسطے اک طویل مدتی پالیسی بنان غی تجویز پیش کی۔ انہاں نے ہندی ماتہہ وسیع پیمانہ ور قابل قبول بنان غی اہمیت ور زور دتو۔ انہاں نے یاہ گل وی کہی کہ حال ہی ماتہہ 5 مزید بھارتی زبانان ماتہہ کلاسیکی درجو ملیو ہے۔ جہیڑی بھارتی زبانان غا تحفظ تے فروغ ماتہہ وزیر اعظم نریندرمو دی غا عظم غی عکاسی کرے۔

یہ خبر تم آکاشوائی جموں تیں سن رہیا ہیں خبراں غا باقی حصہ نال محبوب سلطانی۔

CM Assembly

جموں کشمیر قانون ساز اسمبلی غا اجلاس غے اج دوجے تہاڑے وزیر اعلیٰ عمر عبداللہ نے فوت ہوا رہنماواں غی خدمات ماتہہ یاد کرتاں واں کہیو جے اس طرح غا لمحہ ہم ماتہہ یوہ موقعو فراہم کرے کہ ہم انہاں رہنما ماتہہ یاد کراں جنہاں نے سماج ماتہہ ہمیشہ اپنی خدمات پیش کی ہیں۔ اس اجلاس غے دوران جنہاں رہنما ماتہہ یاد کیو ان ماتہہ سابق صدر جمہور ریہ پرناپ مکھرجی، سابق وزیر اعظم اٹل بہاری واجپائی تیں علاوہ سابق سپیکر، سابق نائب وزیر اعظم، قانون ساز اسمبلی تے کونسل غا سابق رکن غے نال نال کرگل خطہ توں تعلق رکھن آلا نمائندگان ماتہہ وی یاد کیو گیو۔ اس دوران سابق صدر جمہور ریہ پرناپ مکھرجی غی لگن ماتہہ یاد کرتاں واں جناب عمر عبداللہ نے کہیو جے جہیڑا وی کم انہاں نے اپنی دیکھ ریکھ ماتہہ کیا انہاں ماتہہ جلد مکمل کرن واسطے وے ہمیشہ وعدہ بند تھا۔ اس تیں علاوہ وزیر اعلیٰ نے سابق وزیر اعظم اٹل بہاری واجپائی جنہاں ماتہہ بھارت رتن توں وی نوازیو گیو ہے ماتہہ خراج عقیدت پیش کیو۔ سابق وزیر اعظم سنگ 3 سال کم کرن غا تجربہ غو ذکر کرتاں واں جناب عمر عبداللہ نے کہیو جے واجپائی جی غی ہمیشہ خواہشات تھیں جے بھارت تے پاکستان بشکا ر امن بحال وے تے جموں کشمیر سنگ ہم آہنگ تعلقات رہیں۔ جناب عمر عبداللہ نے کہیو جے جس ویلے وی ہم واجپائی جی ماتہہ یاد کراں ہم ماتہہ ان غی انسانیت، جمہوریت اور کشمیریت غو پیغام یاد آوے۔ انہاں نے واجپائی جی غا طرز عمل غی پیروی کرن تے اصولاں ور یقین رکھن بارے زور دتو۔ واجپائی جی غو نعرہ کہ ”ہم دوست بدل سکاں لیکن گوانڈی نہیں“ بارے بولتاں واں وزیر اعلیٰ نے کہیو جے ویں اج وی اس ور یقین رکھیں۔ اس تیں علاوہ انہاں نے دویندر سنگھ رانا سنگ اپنی یاداں ماتہہ وی سانجھو کیو۔

Speaker Panel

اپنا اجلاس غے دوجے تہاڑے جموں کشمیر قانون ساز اسمبلی غو آغاز سپیکر عبدالرحیم راتھر نے پینل آف چیرمین ماتہہ 3 ممبران غی تقرری غے نال بوؤ۔ نیشنل کانفرنس تیں مبا

رک گل، سی پی آئی ایم تین محمد یوسف تاریگامی تے بی جے پی غا سرجیت سنگھ سلاتھیہ ہیں۔ سپیکر نے سابق صدر پرانا ب مکھرجی، سابق وزیر اعظم اٹل بہاری واجپائی تے سابق لوک سبھا سپیکر سوناتھ چیٹرجی سمیت سابق قائدین نانہہ خراج عقیدت پیش کی۔ اسمبلی نے متعدد معزز شخصیات نانہہ عزت دتی جنہاں نے جموں کشمیر غی خدمت کی بشمول سابق مرکزی وزراء، ایم ایل اے تے ایم ایل سی جسرا چمن لال گپتا، عبد الرشید ڈار، مدن لال شرما، محمد شریف نیاز، سید مشتاق احمد بخاری، ٹھاکر رندھیر سنگھ تے گو ویند رام شرما تے ہور دیگر سابق قانون سازاں تے دستور ساز اسمبلی غا ممبراں جس طرح کہ دویندر سنگھ رانا، کرشنا دیو سیٹھی، حاجی عبدالعزیز پرے، محمد یا سین شاہ، رچھپال سنگھ، سید علی شاہ گیلانی، محمد شفعی خان تے عبدالغنی نسیم ہوراں نانہہ خصوصی احترام دتو گیو۔ یہ خراج تحسین اسمبلی واسطے اُن غی وقف خدمات تے خطہ واسطے سیاسی منظر نامہ غا اثرات نانہہ تسلیم کرن غو اک طریقو تھو۔

LG Statehood

لیفٹنٹ گورنر منوج سنہا نے اج کہیو ہے جے جموں کشمیر مانہہ ریاست غی بحالی اس طرح ہے جس طرح سورج غو مشرق تیں چڑنو ہے۔ اُنہاں نے مزید کہیو ہے اس عہد واسطے کسی سیاسی کوشش یا وعداں غی ضرورت نہیں ہے۔ اُنہاں نے اُنہاں گلاں گو اظہار اج شمالی کشمیر غا باہمولہ ضلع مانہہ اک تقریب غے دوران اجتماع سنگ خطاب مانہہ کیو۔ اُنہاں نے کہیو ہے ریاست غی بحالی واسطے کسی وی سیاسی کوشش غی ضرورت نہیں ہے۔ اُنہاں نے کہیو ہے حکومت نے پارلیمانی اجلاس مانہہ جھپڑی یقین دہانی کروائی وے اتنی ہی سچی ہیں جتنو سچ یوہ ہے کہ سورج مشرق توں چڑنو۔ اُنہاں نے کہیو ہے اس ضمن مانہہ کسی نانہہ وی کوئی کوشش غی لوڑ نہیں ہے۔

اس غے نال ہی خبراں غو یوہ بلیٹن ختم ہوؤ۔